

ხელშეკრულება სახელმწიფო შესყიდვის შესახებ # NAT210000629
სატენდერო განცხადების ნომერი: NAT210000629

ქ. თბილისი

მუხლი 1. მხარეთა იურიდიული სტატუსი

ერთი მხრივ, სს „საქართველოს ენერგეტიკული ბირჟა“ (შემდგომში „შემსყიდველი“) იურიდიული მისამართი: ქ. თბილისი, კრწანისის რაიონი, ბარათაშვილის ქ. N2, ფაქტიური მისამართი: კოსტა ხეთაგუროვის ქ. N36, მე-2 სართული, წარმოდგენილი მისი გენერალური დირექტორის ირინა მილორავას სახით და,

მეორე მხრივ, ი/მ თამაზ ბუკია, (შემდგომში „მიმწოდებელი“), მისამართი: ქ. ზუგდიდი, ჩილაჩავას ქ. N72

„სახელმწიფო შესყიდვების შესახებ“ საქართველოს კანონის მე-16¹ მუხლის პირველი პუნქტის, სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ 33-ე მუხლის პირველი პუნქტის და საზოგადოების წესდების 11-ე მუხლის 1-ლი პუნქტის საფუძველზე ვდებთ წინამდებარე ხელშეკრულებას შემდეგზე:

მუხლი 2. შესყიდვის ობიექტი

2.1. შესყიდვის ობიექტია მოძრავი ქონების საბაზრო ფასის დადგენის (აუდიტორული მომსახურება **CPV79212000**) მომსახურების შესყიდვა ხელშეკრულების პირობებისა და დანართი #1-ის შესაბამისად, რომელიც წარმოადგენს ამ ხელშეკრულების განუყოფელ ნაწილს.

მუხლი 3. ხელშეკრულების ღირებულება და დაფინანსების წყარო

3.1. ხელშეკრულების საერთო ღირებულება შეადგენს: **357.00 (სამასორმოცდაჩვიდმეტი)** ლარს მიწოდებასთან დაკავშირებული ყველა ხარჯის და საქართველოს კანონმდებლობით დადგენილი ყველა გადასახადის ჩათვლით.

3.2. დაფინანსების წყარო: სს საქართველოს ენერგეტიკული ბირჟის 2021 წლის დამტკიცებული ბიუჯეტი (საკუთარი სახსრები).

მუხლი 4. მომსახურების გაწევის ვადები და ადგილი

4.1. შესყიდვის ობიექტის მიწოდება - მოძრავი ქონების საბაზრო ფასის დადგენის შესახებ შეფასება/აუდიტორული დასკვნა, მიმწოდებელს უნდა გადაეცეს არაუგვიანეს 2021 წლის 19 თებერვლისა.

4.2. შეფასება/აუდიტორული დასკვნა შემსყიდველს უნდა გადაეცეს სამ ეგზემპლარად, თითოეული შესრულებლი როგორც დედანი;

4.2. შესყიდვის ობიექტის მიწოდების ადგილია: ქ. თბილისი, კ. ხეთაგუროვის №36, მე-2 სართული.

მუხლი 5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება - შეფასების/აუდიტის დასკვნის შემსყიდველისთვის გადაცემა, დასტურდება მხარეების მიერ მიღება-ჩაბარების აქტის დადებით.

5.2. შემსყიდველის მხრიდან მიღება-ჩაბარების აქტზე ხელმომწერ პირს წარმოადგენს სს საქართველოს ენერგეტიკული ბირჟის გენერალური დირექტორი ირინა მილორავა.

მუხლი 6. ანგარიშსწორების პირობები

6.1. მიწოდებული შესყიდვის ობიექტის ღირებულების ანაზღაურება განხორციელდება უნაღდო ანგარიშსწორებით.

6.2. შესყიდვის ობიექტის ღირებულების ანაზღაურება განხორციელდება სათანადო აუდიტორული დასკვნის შემსყიდველისთვის გადაცემისა და მხარეთა მიერ გაწეული მომსახურების შესახებ მიღება-ჩაბარების აქტის გაფორმების შემდეგ, მიღება-ჩაბარების აქტის გაფორმებიდან 10 (ათი) სამუშაო დღის ვადაში

მუხლი 7. მხარეთა უფლება-ვალდებულებები

7.1. შემსყიდველს უფლება აქვს:

- ა) შეამოწმოს შესყიდვის ობიექტის ხარისხი, განახორციელოს კონტროლი და ზედამხედველობა მიმწოდებლის მიერ ხელშეკრულების პირობების შესრულებაზე.
- ბ) მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.
- გ) საქართველოს კანონმდებლობის შესაბამისად შეაჩეროს ან შეწყვიტოს ხელშეკრულების მოქმედება.

7.2. შემსყიდველი ვალდებულია:

- ა) წერილობითი ფორმით, ან კომუნიკაციის ელექტრონული საშუალებებით დაუყოვნებლივ აცნობოს მიმწოდებელს შესყიდვის ობიექტის ნაკლის/დეფექტის გამოვლენის შესახებ.
- ბ) დაიცვას ხელშეკრულებით გათვალისწინებული პირობები.

7.3. მიმწოდებელს უფლება აქვს:

- ა) მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.
- ბ) მოითხოვოს შემსყიდველისაგან ხელშეკრულების სხვა პირობების დაცვა.

7.4. მიმწოდებელი ვალდებულია:

- ა) შემსყიდველს მიაწოდოს შესყიდვის ობიექტი, წინამდებარე ხელშეკრულების და სატენდერო პირობების შესაბამისად;
- ბ) განახორციელოს თითოეული ინვენტარის მიმდინარე საბაზრო ფასით შეფასება,
- გ) მის მიერ წარმოდგენილ საბაზრო ფასის დადგენის კვლევას, ახლდეს თითოეული ნივთის ვიზუალური მასალა (არანაკლებ ორი ფოტოსურათი).
- დ) შეფასება/აუდიტორული დასკვნა შეასრულოს მოძრავი ქონების შეფასების სფეროში დადგენილი და დამკვიდრებული მაღალი სტანდარტის დაცვით.
- ე) საკუთარი რესურსებით უზრუნველყოს ხელშეკრულების პირობების შესრულების კონტროლისთვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.
- ვ) მისი ბრალეულობით/მიზეზით გამოწვეული ყველა გამოვლენილი ნაკლის აღმოფხვრასთან და კონტროლის ხელახლა განხორციელებასთან დაკავშირებული ხარჯები აანაზღაუროს, საქართველოს კანონმდებლობით დადგენილი წესით.
- ზ) ჯეროვნად, დროულად და კეთილსინდისიერად შეასრულოს ხელშეკრულების პირობები.

მუხლი 8. ხელშეკრულების შესრულების კონტროლი

8.1. შემსყიდველი უფლებამოსილია განახორციელოს შესყიდვის ობიექტის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. შემოწმების შედეგად გამოვლენილი ნებისმიერი ხარვეზის/შეუსაბამობის (ნაკლი, დეფექტი და სხვა.) შესახებ შემსყიდველი დაუყოვნებლივ წერილობით აცნობებს მიმწოდებელს და მიუთითებს შესყიდვის ობიექტის ხარვეზს/შეუსაბამობას.

8.3. გამოვლენილი ხარვეზის/შეუსაბამობის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

8.4. წინამდებარე ხელშეკრულების შესრულების კონტროლს განახორციელებს სს “საქართველოს ენერგეტიკული ბირჟის” გენერალური დირექტორი ირინა მილორავა.

მუხლი 9. დავების გადაწყვეტის წესი

9.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

9.2. შეთანხმების მიუღწევლობის შემთხვევაში, მხარეთა შორის დავა წყდება საქართველოს კანონმდებლობის შესაბამისად.

მუხლი 10. ხელშეკრულების პირობების შეუსრულებლობა

10.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, ყოველი დაგვიანებული დღისთვის მიმწოდებელს ეკისრება პირგასამტეხლო ხელშეკრულების ღირებულების 0.02%-ის ოდენობით.

10.2. თუ ვადაგადაცილების გამო დაკისრებული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების 0,2%-ს, მხარეებს უფლება აქვთ შეწყვიტონ ხელშეკრულება.

10.3. ხელშეკრულებით ნაკისრი ვალდებულებების შეუსრულებლობით გამოწვეული ზიანის ანაზღაურების საკითხი რეგულირდება საქართველოს კანონმდებლობით.

მუხლი 11. ხელშეკრულების პირობების გადასინჯვის შესაძლებლობა

11.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

მუხლი 12. დაუძლეველი ძალა

12.1. წინამდებარე ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ შესრულების გამო, თუ ამის მიზეზი გახდა საგანგებო ხასიათის მქონე დაუძლეველი ძალა, რომლის წამოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ წინამდებარე ხელშეკრულების დადების მომენტში არ შეეძლოთ სცოდნოდათ.

12.2. დაუძლეველი ძალად ჩაითვლება შემდეგი:

ა) სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);

ბ) გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;

გ) ეპიდემიები;

დ) ბლოკადა ან ნებისმიერი ეკონომიკური ემბარგო;

ე) ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტების გამოცემა, რომლებიც ზემოქმედებენ მხარეების მიერ ხელშეკრულებით ნაკისრი ვალდებულებების შესრულებაზე და ცვლიან, წყვეტენ ან აჩერებენ წინამდებარე ხელშეკრულების დებულებებსა და პირობებს.

12.3. დაუძლეველი ძალა დადასტურებული უნდა იქნეს კომპეტენტური ორგანოს მიერ.

12.4. დაუძლეველი ძალის წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებებით (ტელეფონი, ფოსტა, ფაქსი, ელექტრონული ფოსტა, კურიერი და სხვა) და წარუდგინოს კომპეტენტური ორგანოს მიერ გაცემული, აღნიშნული გარემოების არსებობისა და ხანგრძლივობის დამადასტურებელი ცნობა.

12.5. დაუძლეველი ძალის შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

12.6. დაუძლეველი ძალის გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა, თუ მხარეთა შორის არ იქნა მიღწეული სხვაგვარი შეთანხმება. თუ მხარეების მიერ ხელშეკრულებით ნაკისრი ვალდებულებების შეუსრულებლობა გაგრძელდა ერთ თვეზე მეტ ხანს, თითოეული მხარე უფლებამოსილია ცალმხრივად შეწყვიტოს წინამდებარე ხელშეკრულების მოქმედება, შეწყვეტის სავარაუდო თარიღამდე არანაკლებ ორი კვირით ადრე წერილობითი შეტყობინების გაგზავნით (ან ელექტრონული ფოსტის მეშვეობით) ან სხვა ხელმისაწვდომი საშუალებით, რომელიც მიმწოდებელი იქნება მხარის მიერ იმ მისამართზე, რომელიც მითითებულ იქნა შემსყიდველის პირველადი რეგისტრაციის დროს.

მუხლი 13. სხვა პირობები

13.1. ხელშეკრულების არც ერთ მხარეს არა აქვს უფლება, გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2. ყველა ის შემთხვევა და პირობა, რომელიც გათვალისწინებული არ არის წინამდებარე ხელშეკრულებით, განიხილება და გადაწყდება საქართველოს მოქმედი კანონმდებლობის შესაბამისად.

13.3. წინამდებარე ხელშეკრულება მოიცავს მხარეთა შორის არსებულ ყველა წინასწარ შეთანხმებას და შესაბამისად წინამდებარე ხელშეკრულების ხელმოწერისთანავე ძალას კარგავს მხარეთა შორის წინამდებარე ხელშეკრულების ხელმოწერამდე არსებული და წინამდებარე ხელშეკრულების საგანთან დაკავშირებული ყველა დოკუმენტი, მიმოწერა და ზეპირი შეთანხმება.

13.4. წინამდებარე ხელშეკრულების ყველა დამატება, ცვლილება და შესწორების ყველა დანართი წარმოადგენს წინამდებარე ხელშეკრულების განუყოფელ ნაწილს.

13.5. თუ წინამდებარე ხელშეკრულების მოქმედების პერიოდში შეიცვლება წინამდებარე ხელშეკრულების მე-16 მუხლში მითითებული რომელიმე რეკვიზიტი, მხარე მოვალეა დაუყოვნებლივ წერილობით აცნობოს აღნიშნულის შესახებ მეორე მხარეს.

13.6. მოქმედი კანონმდებლობის ცვლილება, რომელიც ცვლის ან აუქმებს წინამდებარე ხელშეკრულების რომელიმე დებულებას, არ იწვევს მთლინად ხელშეკრულების ბათილობას.

13.7. მხარეებს შეუძლიათ, ურთიერთშეთანხმების საფუძველზე ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

13.8. მხარეებს უფლება აქვთ ცალმხრივად შეწყვიტონ ხელშეკრულება მისი მოქმედების ნებისმიერ ეტაპზე, ან უარი განაცხადონ ხელშეკრულებით ნაკისრი ვალდებულებების შესრულებაზე, თუ მეორე მხარე არ ასრულებს ამ ხელშეკრულებით მასზე დაკისრებულ მოვალეობას.

13.9. ხელშეკრულება შედგენილია ქართულ ენაზე და ხელმოწერილია ელექტრონულად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

13.10. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილი მხარეთა მიერ.

მუხლი 14. მხარეებს შორის საკონტაქტო რეკვიზიტები (ელ. ფოსტა)

14.1. შემსყიდველის მხრიდან - (ირინა მილორავა) ელ-ფოსტა: ტელ.: i.milorava@genex.ge

14.2. მიმწოდებლის მხრიდან - (თამაზ ბუკია) ელ-ფოსტა: ტელ.: t.bukia1960@gmail.com

მუხლი 15. ხელშეკრულების მოქმედება და დოკუმენტის შედგენის თარიღი

15.1. წინამდებარე ხელშეკრულება ძალაში შედის ხელშეკრულებაზე ორივე მხარის მიერ ხელმოწერის დღიდან და მოქმედებს 2021 წლის 15 აპრილის ჩათვლით.

15.2. ამ ხელშეკრულების ცალკეული დებულებების საქართველოს კანონმდებლობასთან წინააღმდეგობის შემთხვევაში, უპირატესობა ენიჭება საქართველოს კანონმდებლობით დადგენილ ნორმებს.

15.3. წინამდებარე დოკუმენტის შედგენის თარიღი: 05 თებერვალი 2021 წელი.

მუხლი 16. მხარეთა ხელმოწერები

„შემსყიდველი“
სს „საქართველოს ენერგეტიკული ბირჟა“
ს/კ 404589432 ტელ: 2054588
სს თიბისი ბანკი
ბანკის კოდი: TBCBGE22
ა/ა GE42TB7434736030100002

გენერალური დირექტორი
ირინა მილორავა

„მიმწოდებელი“
ი/მ თამაზ ბუკია
პ/ნ 19001054047 ტელ: 591 95 24 24
სს ტერა ბანკი
TEBAGE22
GE62KS0000001360136999

ინდივიდუალური მეწარმე
თამაზ ბუკია

სახელმწიფო შესყიდვის შესახებ # NAT210000629 ხელშეკრულების დანართი N1

საბაზრო ფასით შესაფასებელი ინვენტარის სია:

N	ნივთის დასახელება/მწარმოებელი	მოდელი	სერიული ნომერი	რაოდენობა
1	პრინტერი ფერადი HEWLETT PACKARD colored	M750	GNFTL3V0PT	1 ცალი
2	ლექტოპი HEWLETT PACKARD	470 G5	5CD748688M	1 ცალი
3	ლექტოპი HEWLETT PACKARD	17—ab313ur	5CD746BGWY	1 ცალი
4	ლექტოპი HEWLETT PACKARD	450 G5	5CD8141FNG	1 ცალი
5	პროექტორი EPSON	EB-W05	X4GZ7700066	1 ცალი
6	მონიტორი	24 er	3CM7460R76	1 ცალი
7	მაგიდა (შეხვედრების ოთახის)	კეცვადი რკინის ფეხებით	N/A	1 ცალი
8	მაგიდა (შეხვედრების ოთახის)	კეცვადი რკინის ფეხებით	N/A	1 ცალი
9	მაგიდა (შეხვედრების ოთახის)	კეცვადი რკინის ფეხებით	N/A	1 ცალი
10	მაგიდა (შეხვედრების ოთახის)	კეცვადი რკინის ფეხებით	N/A	1 ცალი
11	მაგიდა (უჯრებით, გაბარიტები 1.4მ*0.7მ)	N/A	N/A	1 ცალი
12	მაგიდა (უჯრებით, გაბარიტები 1.4მ*0.7მ)	N/A	N/A	1 ცალი
13	პროექტორის ეკრანი	N/A	N/A	1 ცალი
14	სავარძელი (ტყავის, executive)	LH-YH-8864	LH-903002	1 ცალი
15	სავარძელი (ტყავის, executive)	LH-YH-8864	LH-903002	1 ცალი
16	ტელეფონის აპარატი (მობილური) SAMSUNG	GALAXY J5	RF8K12683XN	1 ცალი
17	ტელეფონის აპარატი (მობილური) SAMSUNG	GALAXY J7	342D0D62069C	1 ცალი